



ЛЕЗГИ Газет

**Жуван Ватан, ватанэгълияр,
дидед ч'ал хуьх!**

“Лезги газетдиз” Докъузпара райондин администрациядин пресс-къул-лугъди хабар гайивал, Вини Къурушдал туристар патал лагердин дараматар эцигда.

27-июлдиз райондин къил Абдурагъим Алискеров капиталный эцигунрин отделдин пешекаррихъ галаз санал объект эцигдай чилин мулкуниз килигна. А.Алискерован гафаралди, районда туризм вилик тухун патал ихътин лагерь кардик кутадай къарар къабулна. “Ярыдаг” фестивал, Шалбуз дагъда авай зияратдиз элкьвенвай “Эренлар” себеб яз, Докъузпара район республикадилай къецепатани машгъур хъанва. Райондин руководстводи иниз мугъман жезвай туристриз къулай шартлар тешкилун фикридиз къачуна.

Рикел хкин, РД-дин туризмдин ва халкъдин яратмишунрин сеняткарвиллин министерстводи Вини Къурушдал гъар йисуз тешкилзавай “Ярыдаг” фестивалди жуьреба-жуьре улкъвейрин альпинистар санал къатълава. Чкадал туристрин лагерь кардик акатуни мугъманар патал гзаф къулайвилер арадал гъида.

1920 – йисалай акъатзава

N 31 (10832) хемис 2 – август, 2018 – йис WWW.LEZGIGAZET.RU

Къимет “Дагпечатдин” киоскрай - 16 манат



Владимир Васильева Зейнудин Лукманович Батманован хендеда Жамиля Халидовнадив ва хва Къадир Зейнудиновичав Россиядин Федерациядин Игитдин гъед вахкана

Нумрадай к'ела:

ЮБИЛЕЙ

Уьмуьр к'иле тухун са къуьл авун туш

Абдулгъалимов Бубахади вичин ве-ледриз мукъвал-мукъвал лугъудай: “Чан балаяр, рикел хуьх: и дуьньядал инсанди та-дайди анжах к'еве затI я. Сад лагъайди - жуван михьи т'вар, к'евед лагъайди - жува чарадаз авур хъсанвал. Рикел хуьх: хъсанвал авуна, гъуьлуьзни гадара - яргъал-мукъвал к'евени хъсанвал агак хъийида”.

► 3

ОБЩЕСТВО

Зайфар тийин!..

Яргъал тир дегъ девиррани гагъ са, гагъ маса душманар - чапхунчяр “Шарвилли” эпос чи халкъдивай къакъудиз алахъайди я. ГъикI хьи, душманриз чизвай, руьгъ къакъудайла, халкъ рекъида. Амма асиррин дерин къатара къилел атай гъадисайривай я чи руьгъ, я чи халкъни магълубиз хъанач!

► 6

ХУЬРУЬН МАЙИШАТ

Виликди тухуниз эвер гузва

Михаил Егорова рикел хкайвал, Дагъустанда хилехъанвили хилехъ къетлен тарих ава. “Ина арадал гъайи “Лезги жинс” 1912-йисуз к'иле феи лапагрин сад лагъай выставкада майдандиз акъудайди я. Са шартли алачиз, им хуьн ва раиж авун лазим тир тарих я”, - к'ейдна ада.

► 7

САГЪЛАМВАЛ

Ракъини куникай

Ракъинин нурур себеб яз инсанрин бедендин хам кун “таниш” ксариз ам гъихътин пис кар ятIа лугъунин лазимвал авач. Амма иллаки аялар патал им еке мусибат тирдал диде-бубайрин фикир мад сеферда желб ийиз кланзава.

► 8

ХАБАРАР

Ватанпересвиллин чешне

Сувабдин крар ийизвай Русланаз врибуру алхисзава. Хуьруьхъ физвай рекъин участокни ада вичин такъатрихъ тамамвилелди ремонтна, кутугай къайдадиз гъанва. Къени ва умун къилихрин жегъилди вичелай алакъдайвал мергъаматлу крар къилиз акъудунихъ галаз сад хъиз, дарвиле авайбуруз гъевчи куьмекарни гузва.

► 12

ТАРИХ

Хуьр авай - Макъар

Къурбан халуди чуьлда-тама чуру къелемриз къени емишрин т'урур гудай. Гуьгъуьнлай, ц'ийи чкадиз куьч хъийидай къулуьхъни ада и кар акъавазарначар. Халкъдин рикелай ракъур тийизвай гуьмбет хъиз, Ц'ийи Макъа гилани Къурбанан багъа ама.

► 15

Дагъустан машгъурзавай бур

Агъмед МАГЪМУДОВ

26-июлдиз, Дагъустан Республикадин Конституциядин юкъуз, республикадин Къилин везифаяр вахтуналди тамамарзавай Владимир Васильева Махачкъалада са жерге дагъустанвийрив государстводин наградаяр вахкана.

- Къе чна Дагъустандин асул сувар к'ейдзава, - лагъана Владимир Васильева, мярекат ачухдайла. - И югъ чун патал иллаки къетленди я. Республикадин къилин къанун тир Конституцияди Дагъларин улкъе вилик финин рекъер тайинарнава, гзаф миллетрикай ибарат тир Дагъустанда къанун-къайда, стхавални дуствал хуьзва.

Гъайиф хьи, эхиримжи вахтара республикадин къанун-къайда хуьдай органрин къуллугъчийри к'иле тухванвай къвалахрин нетижайри къалурзавайвал, Конституциядин асул терефар кваз такъунвай дуьшуьшарни хъанва. Къанунрал амал тавунвайбурун арада гъа къанунар хвена, халкъдиз намуслудакай къуллугъна кланзавайбурни ава.

Къез аквазвайвал, гъукумдин вине авай хилера “михъунин къвалахар” к'иле физва. Чи макъсад тек са тахсиркарвилер авунвайбурур жавабдарвилел чуьгуникай ибарат туш. Им Президентди чи вилик эцигнавай везифайрин анжах са пай я. Чахъ арадал атанвай гъалар дибдай дегъшардай къаст ава. Государстводин Къили са шумудра вичин рахунра к'ейд авурвал, уьмуьр хъсан патахъ дегъш жезвайдакай статисти-кадини чиновникрин рапортри ваъ, адетдин инсанри лагъана кланда. Къанун вирибуруз сад хъун герек я. Мукъвал тир девирда дагъустанвийри республикада к'иле физвай дегъшвилерин дад г'иссдайдакъ зун агъазава, - к'ейдна региондин регъберди.

Владимир Васильеван гафарай малум хъайивал, республикада эменнидин

алакъадин, здравоохраненидин ва са жерге маса хилера пешекарар бес жезвач. И хилер алай аямдин, гъич тахъайтIа, вири Россияда юкъван дережадиз акъуддай кар алакъдай пешекарар...

Гуьгъуьнлай республикадин Къили - Дагъустандин вилик лайихлувилер къалурнавай инсанрин агалкъунар к'ейдна. Наградаяр вахузвайбурун сиягъда сад лагъай чкадал вичиз к'ейидалай къулуьхъ Россиядин Федерациядин Игитвиллин т'вар ганвай Зейнудин Лукманович Батманован т'вар алай.

“Дагъустан бажарагълу, дирибаш къегъаларни ватанпересар тербияламишуналди тафаватлу жезва. И кар Россияда гзафбуруз малум я ва Дагъларин улкъедиз еке гъурметни ийизва.

Къе чна чи Игитдин - Батманов Зейнудин Лукмановичан экуь къаматдин вилик къил агъузава. Вичин бине Къурагъ райондай тир, тамарал государстводин гуьзчивал тухвай инспектордин къегъалвилликай виридаз хабар ава. Тамуз чкадин РОВД-дин къуллугъчийриз эвер ганач лугъуз, къанлуьри ам яна к'ена. Зейнудинан вилик къеве рехъ квай: гъейри инсанар маса гун, я тахъайтIа, абур хуьн патал жуван чан къурбанд авун. Ада к'евед лагъайди хъяна. Ихътин къегъалвал авунай адаз “Дирибашвилляй” ордендин чкадал Россиядин Игитдин т'вар гун лазим тир. И кардин патахъай за РФ-дин Президент Владимир Владимирович Путиназ хабар гана. Ада гъасятда дуьз къарар къабулна. Гражданвиллин буржи тамамардайла, къалурнавай дирибашвилляйни къегъалвилляй РФ-дин Президентди 2018-йисан 8-майдиз акъуднавай Указдал асаслу яз, Батманов Зейнудин Лукмановичаз, к'ейидалай къулуьхъ пуд йис алатайла, Россиядин Федерациядин Игитвиллин т'вар гана. Къе адан хендеда Жамиля Халидовнадивни хва Къадир Зейнудиновичав Россиядин Игитдин гъед вахкун за ч'ехи гъурметдай къазва”, - лагъана Владимир Васильева.

Вичин нубатда Жамиля Батмановади Россиядин Президент Владимир Путинан ва РД-дин Къилин везифаяр вахтуналди тамамарзавай Владимир Васильеван т'варарихъ вичин рагъметлу гъуьлуьн къегъалвиллиз виниз тир къимет гунай разивилин гафар лагъана.

“Владимир Абдуалиевич, зи гъуьл телеф хъайи шартларикай хабар хъайила, куьн къерехда акъвазнач, и Указдал къул чуьгунин карда иштиракна. Зи гъуьлуьн къегъалвиллиз улкъевдин виридалайни виниз тир дережада лайихлу къимет гун чун паталди ч'ехи гъурмет я. И четин макъамда чахъ галаз санал чи тIални гъам пайзавай вири сагърай”, - к'ейдна Жамиля Батмановади.

Мярекатдин сергъятра аваз 43 касдив наградаяр вахкана. Абурун арада образованидин, культураддин, спортдин, медицинадин ва маса хилера лайихлувилер къалурнавай дагъустанвийр авай. “Дагъустан Республикадин вилик лайихлувилерай” ордендиз са жерге алимар, педагогар, художникар лайихлу хъана. Аялрин “Гуниб” санаторийдин къилин духтур Али Мегъамедовав Россиядин Президентдин Гъурметдин грамота вахкана.

Государстводин наградайрин сагъибар хъайибурун арада Дагъустандин ниийрин театрдин регъбер Аминат Яхъева, РАН-дин ДНЦ-дин ч'алан, литератураддин ва искусстводин Институтдин отделдин заведующий Межид Халилов, Дагъустандин ктабрин издательстводин регъбер Лариса Голубева, Избербашдин педколледждин муаллим Эдуард Верди-янц, Мегъарамдхуьруьн, Леваши районрай тир муаллимар Афисат Эфендиеванни Патимат Мегъамедова ва масабур авай.

Наградайриз лайихлу хъайи баркаллу дагъустанвийриз Владимир Васильева намуслувилелди зегъмет чуьгунай сагърай лагъана.

Дагъустан Республикадин Гьукуматдин Председателдин заместителдин
везифаяр вахтуналди тамамарзавайдан гьакьиндай

Дагъустан Республикадин Кьилин

Указ

1. Дагъустан Республикадин Конституциядин 78-статьядин 2-пунктунал асаслу яз, ГЪУБСЕЙНОВ Гьажимегьамед Гьажибуттаевич Дагъустан Республикадин Гьукуматдин Председателдин заместителдин везифаяр вахтуналди тамамарзавайди яз тайнарин.

2. И Указ вичел кьул члугур йикъалай кьуватда гьатзава.

Дагъустан Республикадин Кьилин везифаяр
вахтуналди тамамарзавай

В.ВАСИЛЬЕВ

Махачкъала шегьер, 2018-йисан 26-июль, №84.



Гьажимегьамед Гьажибуттаевич ГЪУБСЕЙНОВ 1977-йисан 10-июлдиз Махачкъала шегьерда дидедиз хьана. Адахъ кьилин образование ава, ам экономикадин илимрин кандидат я.

1998-йисуз ада "Дуьньядин экономика" пешедай Дагъустандин государстводин университет кутьягна.

1996-199-йисара ам Махачкъаладин гьуьлуьн балугъчивилин портунин Государстводин администрациядин пешекар, экономист - нормировщик, кьилин инженер тир.

1998-2000-йисара ада Россиядин илимрин академиядин дуьньядин экономикадин ва международный алакьайрин институтдин (РАН-дин ИМЭМО) аспирантурада кьелна.

2001-2011-йисара адакай Россиядин Федерациядин финансин министерстводин экономикадин хилера бюджетдин политикадин Департаментдин отделдин начальникдин заместитель, кар алай пешекар-эксперт, кьилин пешекар-эксперт, отделдин начальник, директордин заместитель хьана.

2011-2016-йисара ам Россиядин Федерациядин финансин министерстводин транспортдин, рекьерин майишатдин, тебиатдикай менфят кьачунин, агропромышленный комплексдин хилей бюджетдин политикадин Департаментдин директордин заместитель тир.

2016-йисалай 2018-йисан 28 июлдалди ада Россиядин Федерациядин финансин министерстводин экономикадин хилера бюджетдин политикадин Департаментдин директордин везифаяр тамамарна.

2018-йисан июлдиз ам Дагъустан Республикадин Гьукуматдин Председателдин заместителдин везифаяр вахтуналди тамамарзавайди яз тайнарина.

Эвлениш хьанва, кьуд велед ава.

Анжах 1,2 миллиард агакьнава

Дагъустандин бюджетдай рекьер туйкьурун патал гьар йисуз миллиард манатралди пул чара ийизва. Амма, ятлани, гьалар хьсан патахъ дегиш жезвач: республикада икьван члвалди гзаф кьадар рекьера кьир цанвач, "барбатл хьанвай", яни бинедилай ремонт авуна кланзавай рекьерни гзаф я, шегьерин ва поселокрин кьенепатарин бязи куьчяр авай гьалдикай гьич рахани тийин. И гьаларин нетижада агьалийрин патай арзаяр гзаф ва властдиз ихтибар тимил хьунал гьизва.

Хейлин кьадар такьатар чара ийизватлани, Дагъустанда рекьер кьайдадиз хкиз вучиз жезвач? И суал республикадин руководствода арадал атана, нетижада талукь тир ахтармишунар кьиле тухун теклифнава. Гьа ик, гьар гьафтеда тешкилзавай планеркадал рахадайда, Дагъустандин Кьилин везифаяр вахтуналди тамамарзавай Владимир Васильева итижлу рекьемар раижна. Малум хьайивал, рекьер туйкьурун патал чара авунвай 2 миллиард манатдикай анжах 1,2 миллиард манат тайин тирвал харжнава. Амай 800 миллион манат, ада гьавурда турвал, карханайрин арада "кьугьунар" ийидайла, "пайи-паяр хьана".

"Алай вахтунда и делилди талукь яз уголовный дело кьарагьарнава. Ихтин дело икьван члвалди неинки Дагъустанда, гьакл Россияда, санлай кьачурла, хьайиди туш", - кьейдна региондин руководителдин везифаяр тамамарзавайда.

Ада вири чиновникар, рекьер туйкьуриних галаз алакьалу пешекарар тагькимарна: ик мад жедач. "Кьанун", "кьайда", "кьадар" лугьудай затлар авайди я ва абуру кьвалахна кланда", - малумарна В.Васильева.

Нетижар кьуна

Алай йисан сад лагьай паюна Дагъустанда коррупциядиз талукь тахсиркарвилерай 176 уголовный дело кьарагьарнава.

Алатай гьафтеда Россиядин Силисдин комитетдин Дагъустанда авай Управленида алай йисан сад лагьай паюна кьиле тухванвай кьвалахрин нетижариз талукьарнавай совещание кьиле фена.

Управленидин регьбер Сергей Дубровина кьейд авурвал, 2018-йисан сифтеган ругуд вацра РФ-дин Силисдин комитетдин РД-да авай Управленидиз тахсиркарвилериз талукь 3400-лай виниз хабарар атана. Силисчяр уголовный 1400 делодиз килигна, абурукай 725 прокуратурадизни суддиз рекье тунва.

Вичин рахунра С.Дубровин коррупциядиз талукь тахсиркарвилерал гегь-

еншдиз акьвазна. Адан гафарай малум хьайивал, алай йисан сад лагьай паюна ихтин тахсиркарвилерин жигьетдай Управленидиз 358 хабар атана. Абуруз талукь делилар ахтармишунин нетижада 176 дуьшуьшда уголовный дело кьарагьарнава. Абурукайни суддиз 102 дело рекье тунва.

Сергей Дубровина РФ-дин Силисдин комитетдин РД-да авай Управленидин кьуллугъчийриз кьвалахдин рекьей хиве гьатзавай везифайрини мажбурнамайрив жавабдарвилелди эгечлуниз эвер гана. "Тахсиркарвилериз талукь гьакьиндай ахтармишунар кьиле тухудайла, герек тир серенжемар вахтунда кьабулуниз ва абур кьанун-кьайдадив кьадайбур хьуниз кьетлен фикир це. И кардал Россиядин Силисдин комитетдини датлана гььичивал тухузва", - лагьана С.Дубровина Управленидин кьуллугъчийриз.

Сулейман Керимован кумекдалди...

ЧИ МУХБИР

"Лезги газетдиз" Мегьарамдхуьруьн райондин администрациядин пресс-кьуллугъди хабар гайивал, районда инвестициядин чехи проект кьилиз акьудзава. Чешмедин малуматралди, ихтин надир проект Дагъустанда мад санани авач.



Проектдиз пулдин такьатар чи машгьур ватанэгли, меценат Сулейман КЕРИМОВА чара ийизва ва ам кьилиз акьудунин кьвалахар РД-дин хуьруьн майишатдин ва недай суьрсетдин министерстводин кумекдалди "Сад" КФХ-дини Мегьарамдхуьруьн райондин администрацияди тамамарда.

Райондин кьил Фарид Агьмедован гафаралди, цийи проект уьмуьрдиз куьчурмишунин нетижада Чепелар, Гиляяр, Кьуйсун, Хуьрел, Муьгьверган хуьрерин вишералди

агьалияр кьвалахдай чкайралди таьминариз жеда.

Лагьана кланда, Мегьарамдхуьруьн райондин руководстводи инвестицияр желб авунин месэладиз кьетлен фикир гузва. Муниципалитетдизни чкадин халкьдиз хийир гудай проектар уьмуьрдиз куьчурмишун патал райондин руководстводи вири жуьредин кьулайвилер тешкилиз гьазур я.

Цийи проект квекай ибарат я? Харцикай хуьдай махсус сеткадалди кьелнавай, марф кьвадай кьайдада яд гудай кьурулушдал таьминарнавай багь арадал гьуникай. Кьелемар Чепелрин хуьруьз мукьва мулкара 140 гектардин майданра кутада.

Алай вахтунда цийи багь арадал гьизвай мулкарал кьвалах ргизва. Воронеждай ва Кубандай атай багьманчивилел машгьул жезвай пешекарри Кьиблепатан Дагъустанда цийи багь кутавай чкадин шартлариз хьсан кьимет гана.

Гележегда 10 000 тонн емишар хуьз жедай чкани эцигдайвал я. Адан ва районда эцигзавай оптово-распределительный центрдин кумекдалди хуьруьн майишатдин хилел кар алай месэлайрикай сад - гьасилзавай суьрсет маса гун - гьалда. Логистикадин центраяр, емишар хуьдай махсус чкаяр галачиз хуьруьн майишат хьсандиз виликни фидач.

Кьейд ийин хьи, Мегьарамдхуьруьн район эхиримжи кьве йисуз емишар, майвар гьасилунин жигьетдай Дагъустанда сад лагьай чкадал ала. И делилди райондин руководстводи хуьруьн майишатдин хилез, иллаки багьманчивилиз, хьсан дережада аваз фикир гузвайди тестикьарзава.

Бул бегьер вилив хуьзва

"Лезги газетдиз" Сулейман-Стальский райондин администрациядин пресс-кьуллугъди хабар гайивал, муниципалитетдин АПК-дин кар алай хилерикай сад уьзуьмчивал я. Ципицлар кьватл хьувунин ва уьзуьмлухрин майданар артухарунин жигьетдай республикада кьенкьечи чкадал алай Сулейман-Стальский районда алай вахтунда и хиле кьазанишзавай агалкьунар Советрин девирдинбуруз барабар хьанва.

Пешекарри кьейдзавайвал, алай йисуз райондин майишатри 10 агьзур тонндиз агакьна ципицлар гьасилун мумкин я. Гьар са гектардай юкьван гьисабдалди 88,1 центнер бегьер кьватл хьийида.

Алай вахтунда районда уьзуьмлухрин майданри 1648 гектар тешкилзава. Муниципалитетда виниз тир бегьерар гудай уьзуьмлухар кутунай инвестициядин проектар уьмуьрдиз куьчурмишун давамарзава. "Зардиян", "Гуьлгери-вац", "Дербент Агро", "Череяр", "Дарклуш" ООО-ра, "Заря" СПК-да алай йисуз хьсан бегьерар вилив хуьзва.

Лагьана кланда, гьасилай суьрсет маса гунин месэла важиблуди яз амуькьзава. Бязи майишатра вахтуналди кьвалахдайбур бес жезвач. Ципицлар гьалзавай карханайрини вири майишатривай бегьер кьабулзавач, гьар жуьредин багьнайралди кьиметар агьузари алахьзава.

Гьа са вахтунда Сулейман-Стальский райондин са жерге майишатри Дербентда цийиз эцигнавай чехиррини коньякрин заводдихъ, "Кьизлярдин коньякрин завод", "Дербентдин игристый чехиррин завод" АО-рихъ, Дербентдин коньякрин комбинатдихъ галаз ципицлар маса гунин жигьетдай икьрарар кутуннава.

Кьейд ийин хьи, райондин руководстводи чкадин майишатри ципицлар маса гунин месэла хьуси гуьзчивилик кутунва. Уьзуьмар гьалдай карханайриз бегьер маса гунин карда абуруз куьмекун патал Сулейман-Стальский райондин администрацияди РД-дин хуьруьн майишатдин ва недай суьрсетдин министрди махсус чар рекье твадайвал я.

Пенсия артухарнава

Алай йисан 1-августдиз кьвалахзавай пенсионерриз гузвай пулар артухарнава. Дагъустандин Пенсийрин фондунин пресс-кьуллугъдай хабар гайивал, республикада кьвалахзавай 124687 кас пенсионерар ава. Страховой пенсийрин гьисабар кьун хьувун патал Россиядин Пенсийрин фондунин бюджетдай 2018-йисуз 10,7 миллиард манат чара авун кьалурнава.

Цийи кьил гьисабар кьан хьийидай пенсионеррин арада 2017-йисуз кьвалахдалди таьминарзавайбуру страховой взносар алава хьувунвай ва ганвай, чпи кьуьзуьвили ва инвалидвили пенсия кьачузвайбур ава. "Цийи кьил гьисабар кьун хьувунин серенжем гьар йисуз, арза галачиз, кьиле тухузва", -

гьавурдик кутуна ОПФР-дин РД-да авай территорияльный органди.

- Алава хьжедай пулдин кьадар гьар са касдиз кьилди-кьилди тайинарзава. И карда налогар ганвай мажибди еке роль кьугьвазва. Виридалайни кьилин кьадарди, 2017-йисан гьисабралди, пенсийрин 3 балл, яни 235,74 манат тешкилзава, - алава хьувуна чешмеди.

Рикел хкин: 2017-йисан августдиз Пенсийрин фондуни 2016-йисуз кьвалахнавай пенсионеррин пулар хьажуниз 11,8 миллион харжна. Кьвалахзавай пенсионеррин пул юкьван гьисабдалди 169 манатдин артух хьана. И категориядик акатзавайбурун пенсийрин индексация лагьайтла, 2016-йисалай акьвазарнава.

Дагъви ШЕРИФ

“Лезги газетдин” редакцияда цийи кьилелай тукьур хъувунвай, алай аямдин истемешунрив къадай конференцийрин залда сад лагъай мярекат - “Лезги хуър” лишандик кваз документрин бинедаллаз арадал гъанвай фильмин международный конкурсдин нетижаяр къунин, финалистринаградяра вахкунин серенжем кьиле фена.



хановаз, кумекар гайи Билбил-Къазмайрилай тир Пакизат Рагъимхановадиз сагърай лагъана ва абурув чухсагъулдин чарар вахкана.

Конкурсдин нетижаяр къадалди вилик Феликс Нагъиева адан иштиракчийрин рикел серенжемдин истемешунар хкана. ИкI, конкурсдин кьилин макъсад чи багъри ерийрин тарих, хуърерин ва анрин агъалийрин надирвал, къадим адетар ва чи халкъдин ацукъун-къарагъун къалурун, фильмин

- Къе чна а хуърерикай делилар кIватлун, абур несилриз чирун, дагълара авай тIебиатдин девлетрикой жегилри менфят къачун герек я. Чна къадим, хайи хуъреризмаканриз гъурметна кIанда. Абур чаз бубайри багъишнавай бур туш, вахтуналди вуганвай бур я. Абурукай авай делилар кIватIна, къведай несилрив агакъарун чи буржи я. Са девирра гурлу уьмуър кьиле фейи анриз хъфидай халис дагъви руьгъ квай къегъаларни белки пайда жен, - кьейдна Ф. Нагъиева.

Ф. Нагъиева цинин конкурс Харьковда авай лезгийрин медениятдин “Самур” тешкилатдин 10 йисан юбилейдиз талукъарнавайди тирди кьейдна ва вири иштиракчийриз сагърай лагъана. Адан гафарай малум хъайивал, конкурсдиз 18 фильм ракъурнавай. КIуьд касдикай ибарат комиссиядин членри рейсавилелди Яйла (Туркия), Кухур (Азербайжан) хуърерикай фильмаяр тукьурай Седакъет Керимовадиз 1-чка гана. Адав “Самур” тешкилатдин патай диплом, пулдин премия ва Харьков шегъердикай къенвай ктабар вахкана.

Къвед лагъай чкадиз Къара-Куьредикай фильм тукьурай

“Лезги хуър” конкурсдин нетижаяр

Конкурсдин тешкилатчийр лезгийрин медениятдин Харьковда кардик квай “Самур” тешкилат ва “Лезги газетдин” редакция тир. Серенжемдин призин фондуни 100 агъзур манат тешкилнавай. Лагъана кIанда, “Лезги хуър” конкурс алай йисан эвел кьилера малумарнай. “Самур” тешкилатдихъ ихътин конкурсар гележегдани тухудай фикирар ава.

Финалдиз Азербайжан патаяшамеш жезвай лезгийрин машгъур шаир, “Самур” газетдин кьилин редактор Седакъет Керимова, “Дагъустан” РГВК-да “Вахтар ва инсанар” передача кьиле тухузвай Исамудин Агъмедов, ери-бине Хуьруьгай тир, алай вахтунда Тюменда яшамеш жезвай Сади Омаров акъатна.

Мярекатдиз “Самур” тешкилатдин председателдин заместитель Бедел Беделов, анин крар идара ийидай директор Феликс Нагъиев,



Конкурсдин гъалибчийр

куьмекдалди абур жегил несилрив агакъарун тир.

Ихътин конкурс тешкилуни фикир гьикI арадал атайди я лагъай суалдиз Феликс Нагъиева ва Бе-

Исамудин Агъмедов, пуд лагъай чкадиз Хуьруьгрин хуьруькай фильм арадал гъайи Сади Омаров лайихлу хъана.

Дипломралди ва пулдин премияралди гъакIни Лезги радиодин кьуллугъчи Нарима Жамаловадин “Испик” ва шаир Шагъабудин Шабатован “Илиф Макъаз” фильмаярни кьейдна.

Конкурсдин финалистрив талукъ дережайрин дипломар вахкайдалай кьуллукъ “Самур” тешкилатдин векилри чпихъ галаз датIана алакъаяр хуьнай, ихътин мярекатар тешкилиз кумекар гунай, Украинада яшамеш жезвай ватандашир-кай халкъ хабардар авунай “Лезги газетдин” редакциядин коллективдив Гъурметдин грамота вахкана.

Гуьгъунлай мярекатдин иштиракчийри Россия, Азербайжан, Украинада улкъвейра яшамеш жезвай лезгийрин дуланажагъ, абуруз талукъ месълаяр веревирдерна, чи халкъдин яшайиш хъсанарун, лезгийрин къадим тарих, меденият, ацукъун-къарагъун хуьн, несилрив агакъарун патал меслятар гана. Мярекатда иштираккай гъар сада ватанпересвилин руьгъдалди къе Украинада чпин лезгивал хуьзвай “Самур” тешкилатдин вири членриз сагърай лагъана.



Ш. Асаханов, П. Рагъимханова, М. Ибрагъимов (чапла патяхъай эрчи патяхъ)

конкурсдин юридин гъурметлу членар, Дагъустандин СМИ-рин векилар ва Азербайжан Республикадай делегация атанвай.

Мярекат гатIундайла “Лезги газетдин” кьилин редактор Мегъамед Ибрагъимова конференц-зал цийикIа тукьур хъувур къегъал хва, эминхуьруьнви Шагъпаз Аса-

дел Беделова жаваб гайивал, геле алай асирдилай башламышна неинки лезги, дагълух вири хуьрерай агъалияр дуьзенриз куьч жезва. Ихътин себебрикди цIудралди хуьрер кье саки амач. Такабурулу дагъларин къужагда амай бур бубайрин суарни бязи хуьрерин кIвалерин хандакIар я.

Дагъустанвияр - Испанияда

15-августдалди Испанияда Фольклордин международный фестиваль ва Дагъустандин халкъдин яратмишунрин йикъар кьиле фида. Фестивалдин мярекатар Нарон шегъердин культурадин дворецда жеда.

Адет хъанвай къайдада фестивалдин иштиракчийр культурадин рекъай мърдин советник Мария дель Кармена ва шегъердин кьилин уьмуьрдин юлдаш Мариям Ферероса къабулна. Абуру гъар са коллективди неинки медениятдин адетар, гъакI ислягъвал хуьн, сад-садан гъавурда гъатун - патал кутузвай чIехи пай кьейдна. Гуьруьшдин вахтунда сада-садаз рикел аламукъдай пишкешарни гана.

Дагъустандай, Колумбиядай ва Испаниядин са шумуд региондай тир яратмишунрин коллективар чпин милли парталар алаз агъзур тамашачи гъакъдай залдин сегънедал экъечIна. “Эхо гор” ансамблди Дагъустандин халкъарин кьуьлер тамамарна.

51-сеферда кьиле физвай фольклордин фестивалдин сергъятра аваз дагъустанви артистар Пиренейский полуостровдин гзаф шегъерриз мугъман хъана, гъа жергедай яз - Мугардосдиз ва Солайнадиз.

Дагъвийри зарб квай кьуьлералди, милли сеняткарвилералди ва къадим итижлу адетралди тамашачийр гъейранарна.

Ислягъвал патал

ЧИ КОРР.

Къурагъ район Россиядин халкъарин адетдин культурадин центра санай масаниз тухузвай “Чун ислягъвал, Россиядин садвал патал экъечIзава” лишандик квай шикилрин выставка ачухна.

Ам терроризмдин идеология тергунин республикадин госпрограммадин сергъятра аваз Дагъустан Республикадин культурадин министерстводи, Халкъдин яратмишунрин кIвали муниципалитетрихъ галаз санал тешкилнава.

Ислягъвилин тема вири девирра кар алайди я. Агъалияр секиндив, чпин ва аялрин гележегдихъ умудлу яз, чанда кичI авачиз, цийивилер, хъсанвилер арадал гъиз яшамеш хуьн патал ислягъвал чарасуз я. Ихътин выставкайри чи дуьнья, чил гьикъван назикди ятIа, миллетриз ва динриз килиг тавуна гъар са инсанди ам хуьн герек тирди мад сеферда чирзава.

ЧIехи руьгъдин инсан

Эдуард БАГЪИШЕВ

Дербентда кардик квай 9-нумрадин “Бахтлу аялвал” тIвар алай бахчадиз 1998-йисалай инихъ кьилин категориядин педагог, РФ-дин образованидин гъурметлу работник Гелин Абдуллаевадиз регъбервал гузва. Даггоспединститут акъалтIарнавай адахъ кIвалахдин 35 йисан тежриба ава.

Гелин Мегъамедрасуловна мукъувай чидай ксариз малум тирвал, школадилай виликан образованидин идарадин заведующийвал ам патал кьуллугъ ваъ, яшайишдин жуьре я. Аялрин бахчада вири кьуллугълчийриз кьулай шартIар арадал гъун, диде-бубайри абурал чпин веледар ихтибарун патал анин регъберди, югъ-йиф талгъана, зегъмет чIугъазва. Гъа икI кIвалахун Гелин Абдуллаевадиз вич патал кьилин месъла яз гьисабзава. Гъавилай “Бахтлу аялвал” бахчадин коллектив къе пешекарвилеиз, зегъметкешвилеиз гъурметзавай, вири месълаяр санал гъяззавай са хизан хъиз я.

1981-йисуз Г. Абдуллаева шегъердин 16-нумрадин “Чебурашка” бахчадиз тербиячивиле кIвалахал къабулна. Ина ада вич хъсан пешекар ва инсан яз къалурна. Ада тешкилай мярекатар гъамиша итижлуказ, тешкиллуказ кьиле фидай. Ада вичин кIвалахда цийивилер ишлемишзава, педагогвилеин тежриба девлетлу ийизва.

КIуьд йисалай Гелин Абдуллаева “Мальвина” бахчадин заведующийвиле тайинарайла, ада вичин регъбервилеин, тешкилатчивилеин вири ерияр къалурна, шегъердин конкурсра са шумуд сеферда сифтегъан ва кIвенкIевчи чкаяр къуна, гъурметдин грамотайриз лайихлу хъана. КIвалахдин цийи чкадал къалурай алакъларна адал “Бахтлу аялвал” бахчадин заведующийвал ихтибарна.

Исятда адан къаюмвиле кваз 19 касди - ст. тербиячиди, педагог-психологди, музыкальный регъберди, физкультурадин инструкторди, логопед-дефектологди ва маса пешекарри кIвалахзава. Гзафбурухъ кьилин ва сад лагъай категорияр ава. Вири санлай аялрин и бахчада 46 касди кIвалахзава.

Дербентдин 9-нумрадин аялрин и бахча 1970-йисалай кардик ква. Ина 189 аял 7 дестедиз пайнава абуру чирвилер ва тербия къачузва. Ина гъар жуьредин кружокарни кардик ква. Аялри ва тербиячийри шегъердин конкурсра чпин алакъларна къалурузава, пешекарвилеин суварар ва маса мярекатар кьейдзава. Аялар икI ватанпересар яз тербияламыш жезва. Вири крарал гъам коллективди, аялрин ва абурун диде-бубайри, гъакI шегъердин администрациядин регъберрини кьимет эцигъзава.

